

戚少保年譜耆編

戚少保年譜著編卷之十一

閻嗣祚國彙纂

緹嗣昌國集錄

廩嗣報國詳訂

庠嗣興國叅較

萬
歷元年癸酉家嚴四十六歲

春二月挈子谷捷

是月初十日虜衆乘夜攻牆竊犯挈子谷督帥官軍拒堵斬獲首三級餘虜負傷而遁總督劉公應節疏稱總理戚某文武兼資才識相合誓眾則

捐身報主精忠可貫乎天日治兵則轉弱爲強訓
練真動乎鬼神難撤防不忘戒嚴虜常在其目中
每當機必授方略事皆運於掌上足稱振古之名
將無愧萬里之長城功當首論部覆欽賞銀二十
兩綺絲二表裏

請增空心臺疏

竊惟先議沿邊計築空心臺千二百座宿兵貯器
成守有常頃黠虜睥睨石門再至皆敗遁而北此
其明驗已較著也但灤河以東居庸以西若松棚
諸路兵中尙稍有間缺大約增臺二百座始爲完

工臣請以一防爲期往者分工取數寡而責效眾
今則分數倍昔而乃以重舉輕往者給價有差每
座多則百兩今亦倍給使之採辦有資此以佚道
使之雖勞不怨矣往者臺二百座計值不下二十
萬緡今雖有加不四萬而足仍行山東河南二省
取解節次薊鎮民運折銀各二萬兩辦此有餘事
可立濟倘以春防已深秋防伊邇今歲以班軍分
應諸役期來春一舉而畢其事也疏上得俞旨適
增建敵臺依擬著解發銀兩併力修築務要堅固
如法足堪守禦

議改古北曹家將軍營三提調信地併添設喜峰關
提調駐防李家谷

薊鎮將領防邊一切戰守事宜具已備載條約量
止三令五申但積習之弊已成膠痼卽如信地撫
賞二事屢經申飭而各路將領未見著實改圖如
古北口提調議令駐劄司馬臺曹家寨提調議令
駐劄黑谷關將軍營提調議駐劄將軍關已經頒
給明文至今尙駐原地不日撫賞羈絆則曰修守
未遑似此支吾均屬誤事又如撫賞一事屢經明
旨革免軍士採辦俱出官帑無非欲將領躬親撫

賞以重事權不許提調干攝柰何多因文法拘縛
以錢糧易于染指將官雖名親自撫賞其實避嫌
仍推提調卽有親行撫貸者亦提調先當其難前
督撫題奏疏內已備悉弊端矣今爲懲前慮後明
白定擬提調駐劄地方仍改填職銜將古北口提
調卽改稱爲司馬臺提調曹家寨提調卽改稱爲
黑谷關提調將軍營提調卽改稱爲將軍關提調
不許再入營城迎送官府該營止聽管操官答應
俱一體改爲關字使彼自知職在守關自不敢擅

行避難輒棄駐城而入營城也其撫賞一事遵照
節行明文務要將官撫賞並不許提調干預有提
調處所止令收管撫賞錢糧職掌庫藏簿籍而已
提調既與將官各分駐守如古北則有潮河川提
調居住近關又有中軍夜不收官俱可兼理錢糧
夷費何必遠留古北提調也又查得喜峰口原屬
太平路所轄四提今分二路喜峰路新設參將不
設提調雖係省官惜費之意但各路俱有提調二
三員分管便於責成惟喜峰當貢賞極繁之地旣
有將官統領於上未有提調分理於下殊覺事體

難行且遊擊陳忠所轄董家口喜峰口二關在董
家設有提調則文移自有著落在喜峰口未設提
調則施措未免壅滯況各衙門文移多行提調轉
呈將領今喜峰一路應行何人轉呈似獨遺此一
路矣喜峰原爲夷夏咽喉三衛瞻仰之區卽今申
明添設提調已屬後期若再俟厝焚而後徒薪不
亦晚乎乞將將官撫夷提調駐劄二事併喜峰原
革守備員缺推設提調一員照依舊轄地方領事
與董家口提調各分其半承上接下而遊擊專管
撫賞仍將提調改駐李家口分防一隅則撫夷防

夷互有責成而統領分領不復缺員矣

二月呈改大毛山臺牆

大毛山東老嶺起至義院口窟窿臺止計地一十八里牆從平麓外係高山家嚴乃臨邊親自攀登至巔見舊址遂呈改於此築牆一百五十二丈省十八里不可守之邊建臺五座省二十座不可已之臺

夏四月桃林捷

虜犯桃林口督閫官軍出日追斬首虜三級

五月界嶺口捷

是月二十日董狐狸駢難等結連東路插漢兒等
暗犯蘆鎮督遊擊王軫分道領兵迎敵各賊力不
能支夷酋董狐狸幾被執當陣斬獲夷首十五級
奪馬五十三匹驃二頭器物三百六十九件巡撫
楊公兆疏略云董狐狸等酋素稱桀驁小則撲人
挾賞大則攻城殺人名爲我夷實我賊也連姻大
虜聲勢相倚構煽爲患名爲屬夷實恃虜也今桃
林界嶺二捷可以見大將練兵之功偏裨同心之
助亦可以見南兵破敵之勇北軍攻絃之效雖斬
獲不多酋首脫走然狼狽遁逃足以寒醜裘之膽

舒華夏之氣其獲功人員相應分別優恤以示激勸總理戚某監軍徐學古宜陞錄王軫等陞賞其黃狐狸等先革撫賞仍設法擒剿或果悔罪向化或執獻罪人傳報虜警有功另行具奏請復則威靈並著而帝王制馭夷狄之道在是矣總督劉公疏稱總理戚某謀動鬼神身先士卒銜枚以進咫尺臨賊而賊不知貳伏機于九地之下卷甲而趨踴躍用兵而兵自奮如轉石于萬仞之高羣醜立見其屍橫允矣入牢之虎渠魁僅以其身免危哉漏網之魚洩十路久憤之人必振百年僅見之盛

舉疏上部覆欽賞銀三十兩綃絲二表裏還陞寃職一級

呈閱視兵餉條議

略云南兵之調原以守臺爲主但各路臺有多寡各臺設有緩衝今爲其計合照派過兵數會淮密雲道所轄石古曹牆四路衝臺一百九十五每座鳥銃手五名殺手五名緩臺一百三十二每座鳥銃手五名共南兵二千六百十名舊存留中軍旗牌千把百總教師家丁並新設副總兵下金鼓巡視高招號銃火兵家丁等項雜流通共官兵三千

一百十二員名每月約用銀四千七百五十餘兩
永平道所轄燕臺石山四路衝臺一百五十每座
烏銃手五名殺手五名緩臺一百座每座烏銃手
五名共南兵二千舊存留中軍千把百總併新設
副總新留等項通共二千三百五十四員名每月
約用銀三千六百餘兩薊州道所轄馬松太三路
衝臺二百四十二每座烏銃手五名殺手五名緩
臺一百十二每座烏銃手五名共南兵二千九百
八十名舊存留守臺千把百總併新設遊擊下雜
流通共三千五百二員名每月約用銀五千四百

九十一餘兩又三屯標下練兵教師等官兵九百十五員名每月約用銀一千五百餘兩三路通計每月共約銀二萬五千三百餘兩每年約該銀十八萬四千餘兩又稱督臺千把百總每一人兼管臺丁等因到鎮隨會同巡撫楊兆議密雲鎮南兵每年該銀五萬七千內除山東應解民兵銀八千尙該部發銀四萬九千薊州鎮南兵每年該銀六萬五千八百八十兩內除山東應解民兵銀一萬尙該部發五萬五千八百八十兩永平鎮南兵每年該銀四萬三千二百餘兩內除山東應解民兵銀

六千尙該部發銀三萬七千二百餘兩合行各管糧
耶中另收專備南兵支用其管臺千總人數頗少相應量給一丁一馬以便奔馳把總量給二丁差用百總不必加給專照新舊南兵原止議九千爲率故舊兵三千遣回二千照名選補又新募六千連存留共合九千之數及查舊有南兵連中軍千把百總旗牌教師等項寔共三千七百餘員名及南兵去後本鎮又募一百餘名故今見有九千之外多九百餘人而議加工食遂至十八萬四千餘兩但今財用匱乏合將新舊兵內挑選不堪者

九百名量給路費責令回籍以省軍餉復念素練
之兵淮加工食一體留分再加查議奏照施行

洪武八月辛亥子昌國生

閩臣疏上邊續

時汪司馬閱視還奏薊自庚戌虜輒大舉狗鼠入
者無竇歲邊臣尙股骨潤橐鮮有爲公家忠計者
但飾耳目以眩都人聽睹三軍安保一日之驩今
奉廟算簡書薊鎮護陵京務以守爲萬全課功在
戰勝上而議者率以薊事莫可爲乃戚某獨乘間
察山川險夷列置臺垣以守卒能起弊而建萬世

之利事半而功倍焉且武功載戢不戰而伐虜謀
我得以其間治兵邊備益飭此在兵法非所謂善
之善者與夷考其軍數薊昌主兵原額三萬而今
至八萬九千八百有奇且加各路車營暨輜重營
內各駢騎步兵一枝共計主客兵十六萬五千六
百有奇就近可以聯絡陣隊五張犄角衝擊自由
軍容之盛曷以加茲此皆總理戚某百勝起家孤
忠徇國堂堂節制之師用衆如寡矯矯張皇之氣
轉弱爲強考工而稽部曲革月糧一萬七千分局
而定軍儲省歲餉二十四萬立華夷堂陛之防金

城上國洗將士脂韋之習砥柱中流虛心自下諭
謀務出十全直氣不回利害能辭百折奮身誓滅
匈奴勿問家人之產壯志不忘溝壑恒存國士之
風潔東三捷聞風已憚先聲薦北專征計日可收
成績此一臣者艱難不避寵利不居南北十年始
終一節宜加顯秩用獎虜功疏上部覆欽賞銀三
十兩綺絲二表裏陞寔職一級直隸巡按盧公明
章爲議處清軍補役事疏稱總理戚某營路逃亡
數少而行伍充足軍丁勾補克勤而勞績久著部
覆欽賞銀十兩

訓練班軍

薦自庚戌之後議調山東河南北直隸班軍更番
戍守第各班軍從來未有盛甲器械而議者亦未
及訓練今邊工已有次第則訓練之事詎可緩也
合將兩防班軍每防內挑選一萬專事操練俾營
制一新技藝精熟庶幾爲可恃之兵矣

冬十月窟窿臺捷

是月二十二日虜犯窟窿臺官軍拒堵追戰斬首
六級鹵獲馬十二匹器械倍而有贏總督劉公應
節疏稱總理戚某恩治三軍威行諸路設險則勢

壯金湯夷虜莫敢仰視練兵則人歸節制將士閑
不齊心向敵無前收功不戰其發蹤指示之功尤
宜優錄部覆欽賞銀三十兩綺絲二表裏

萬曆二年甲戌家嚴四十七歲

春正月詔陞寔級大都督

總督劉公爲秋防事竣薦揚重鎮大將以裨安攘
事疏云薦鎮不經虜患七年仰遵廟謨一切戰守
之備亦既有次第矣雖文武同心共成安邊之績
而將士用命實爲專閫之權頃謂堵截之功過于
斬獲臣謂不戰之功過于戰勝如總理戚某文武

兼才華夷素望貫通古今將略而運用于一心洞識南北夷情而綜裁乎萬變語戰則有分練有合練有馬援有步援一號召而車騎數十營雲集於一二日之間語守則明偵諜謹烽堠深巖塹貯神火一指顧而崇臺千餘座鼎峙乎數千里之內治國如治家二十年心力詎辭汗血之勞治眾如治寡十數萬官兵聯成臂指之勢虜大犯曾徘徊兩月而不敢進真不戰屈人之兵虜小犯連侵軼數次而竟成擒果先聲奪人之氣但承平日久而知兵者鮮誰能識良工之苦心自文武途分而將權

太輕今始見漢官之威令孤忠猶如砥柱萬折不
回寸心可比精金百練愈赤此一臣者自今日言
之疆境無虞既以奏戰勝守固之効自他日言之
倘諸夷作亂尚可收犁庭掃穴之勲所當破格封
爵今姑增級賜服以彰寵異者也部覆戚某百戰
雄心萬全勝算會古人之成法而通其變將略迥
邁于一時盡中國之長技而用其尤威武遠聞于
諸虜步騎車分合縱橫成十餘萬節制之師牆臺
塹危聳聯絡壯二千里金城之險戰勝守固納款
若得于先聲掃穴犁庭觀釁足優于後舉績成七

載功當首推據蘭鎮督撫官頃以考滿並得加恩
其各偏將亦後先陞秩獨戚某勞績久著未經敘
論相應優加賞賚奉旨戚某效勞年久陞寀職一
級與做左都督賞銀三十兩大紅綺絲蟒衣一襲
秋七月更修臺牆

先是建臺或在牆凹或臺爲牆所遮掩有妨攻打
乃務令改正臺臺相應且就陴下墻基循牆加築
三合土墻高三尺下修上削附牆相依久之土石
爲一風雨斧鑿不能傷壞且附牆而削其上無能
置足其間彼雖或有乘墉毀垣之謀一無所逞乃

復杜塞口外蹊徑又發修邊塲式勘驗過丈杆令
將所修丈量明白俱出一式于是各路所修此前
更加壯麗而經制之善足稱磐石之安矣

秋八月闢湯泉爲大閱之地繕亭館以待使臣

冬十二月

總督劉公爲荐舉專閫大將以重邊防事疏稱總
理戚某文武兼才古今名將秉孤忠而懸日月節
不變于風波練強兵而動鬼神威已振於夷夏推
食饗士卒三軍懷挾纊之溫鮮珮贈偏裨諸將切
投醪之感二千里內外之防地無遐邇莫非心思

足迹之所經十數萬主客之衆事無鉅細一皆耳
提面命之畢至鞠躬盡瘁尙輿疾以行邊歿血誓
神願裹屍以報主此國家不二之忠臣邊疆萬里
之長城也部覆戚某經營節制藩屏之功已及七
年誠爲主帥之良極清朝之選而尤要鎮所當專
任責成者也合附記在簿遇有成功破格優賚

萬
祿三年乙亥家嚴四十八歲

春正月獲夷酋長禿

夷酋長昂逼彙盜犯董家口關城時孟春二十三
日也家嚴督南北官軍自榆木董家兩關出塞追

至聶門北安駝石去邊一百五十里標軍李雲生
病長癰以歸斬首二級餘虜負命卻遁

二月臺車工完

總督楊公兆爲臺車工完請給軍火器械疏略云
查得原議每一臺設佛郎機十架每臺火箭一千
枝及各戰車并馬步各營火箭不等皆應請旨照
數給發者也又若大將軍若神快鎗若烏銃若夾
靶銃諸火器與各該子銃者鐵門者錘者剪者鎌
者與大送子也鉛子也火藥也炸藥也火繩也亦
皆以數計而應請設者也其馬步援兵應用虎蹲

大礮鳥銃快鎗鉛藥皆神火之無敵其腰刀弓箭
鎗鉞等項皆軍器之前鋒一併上請發造共計數
盈十餘萬有奇卽當備設以待不虞又先年完過
臺一千一百餘座戰車止六標營今增置後共完
臺一千三百三十七座戰車輜重車共十六營總
理戚某宜加賞賚部覆以設增之臺今指依期告
完邊備益密固守有資相應賞賚疏上欽賞銀三
十兩綺絲二表裏

三月重建三屯營城開東湖構宛在亭

三屯總鎮所駐地城久圯因更創之暨告成有重

開三屯城記復系之以詩而志喜云國初捐大

寶

藩封界兀良哈爲屬吏賴障輔郡莫重薊鎮未幾
匪茹厪我宣廟出喜峰貢路征之而尙引外虜爲
梗故初鎮桃林口移于獅子谷天順又移三屯營
去喜峰二舍矣營曰三屯者忠義中衛三百戶屯
地也屬遷安縣南百二十里左山海右居庸綰轂
其中以要貢路示重非擁武衛壯城垣何以張形
制而撓敵威哉舊城庳薄而隘南有堦垣爲截殺
營卽移鎮府所芟也二營間有闢闢每以無城戒
暴客屯戍又非土著兩防空營以行雖名重鎮虛

亦甚矣遵化縣去此五十里忠義三衛一所附之
此惟三百戶勢輕不足以犄角鎮府麾下移兵餉
顧抱檄印于衛非所以尊統馭而急禦侮之完策
也自嘉靖來虜震京國隆慶之元入薊東垂而是
鎮益重次年乃以余總理之邊垣孔亟經營六年
次第就緒內地賴以安堵二營闢闢日壯益恐誘
盜爲虜資雖增司守備非若軍備可永賴而全鎮
之眾常練於此弗足以容成者病之矣乃謀闢城
於制府劉公撫臺楊公當上卽位詔增飭邊城二
公因得所請適少司馬汪公閱師而以移衛謀之

公于元年條其便宜制以忠義中衛移之三屯城
內其掌印佐武巡捕指揮及千戶經歷各一佩印
赴之旗軍春秋踐更有警悉至遂置衛增營及繕
建公署百廢俱舉舊城益不足以居之矣乃于二
年秋燒外地而善其址三年楊公爲制府王公爲
撫臺辛公爲兵備胥襄工于三月撤南垣而環南
營以圍之凡五百五十七丈高二丈五尺加五尺
爲雉堞而廣半于高址廣四丈有餘門三南曰景
忠東曰賓西曰翠京其雄甚麗而閨次之徂暑
外完秋甃其裏上下有睥以爲之防次年春二月

乃繕舊城凡六百一十六丈袤裏高厚悉如新制
至冬畢役正北爲重閣祀昭武尤雄于麗譙角樓
凡五飛祝于闔塞舊東西重門于上爲樓臺神祠
下旁各開便門周城水洞有二敵臺有九環以牛
馬墻列孔以備睥睨東闢場以積茭藁從衡五十
丈其北有聚星堂爲東路諸將寓西則閼武場旁
隍闊十丈長二百丈以益之其堂臺皆庫廩余新
建而高敞焉諸將之廳事有五兼之西路來者蓋
亦可寓矣前爲車營四百二十間凡制甚鉅所費
公帑僅六千餘金它皆操奇以佐之而城出外所

報營房八百餘間若保河河南南兵輜重諸置及
守備司濱陽驛督撫行臺城中撫松西南諸館旗
纛馬祖漢壽忠烈諸祠不出三年一切告成貢夷
過者罔不驚異三軍呼曰壯哉城也足以衛眾矣
或有疑其制多異而因軍正以請業已樂成則諗
之曰凡堞戰格利用禦遠若鈎援薄其下而頽眎
出擊爲難乃於堞址亦創睥睨如懸半雷可藏身
而頽擊水且從之下以外殺孔多勢分而注堅瀑
落內則迤邐鱗次如綴視彼內勢直而水專注其
土善崩外因以傾者殊矣凡池有隍高而涸地其

庫者爲濠壑故隍多復而險以夷乃因其勢淺七
尺而深三丈其廣六七丈不等又以北川東走勢
不環抱完固而於東門外下高就卑引以十丈湖
其長三百五十餘丈深僅七尺以所出土爲堤名
曰孟堤者孟諸余別號也蒔以桃柳上下二梁以
跨之堤之亭曰同春留土中爲亭名曰宛在取諸
蒹葭環流植荷而爲將士休沐地或擊楫以遊焉
湖曰震湖以在東方且取鎮湖其音同也凡邊障
無北戶舊爲門三而已直北經涂有岑樓居鐘鼓
金木相尅多水火災乃於北臺旁級左右共制四

屋如城門狀及所塞舊門各虛其內如券制皆爲武庫以藏戎器簡書伍符避水火也又留舊南譙懸賁鼓岑樓獨懸景鍾跨通衢爲重關金革和鳴達於四境登而眺之樓臺署廟聯以闔閭繡錯而聳飛謂之錦城可也嗟夫城制本鯀以防水後用蓄眾乃藏竊聞之古人矣城者盛也所以盛眾也眾則益之不展曷以盛諸城者成也一成而不可毀也制未曲盡而孰保其毀乎余蒞鎮於茲東控遼左西護陵寢爲臺一千二百有餘座凡五標十五營皆爲保障計於以重封疆而衛社稷也茲奉

周公作年詩
制撫諸道之畫幸有餘日及此敢不畢心力藉將
校百執之勞而適觀厥成於重鎮乎凡我同事既
保我圉而無罹於烽鏑則此亦可以忘勞矣而復
系之以詩以誌其經理之蹟云

三忠氣色壯三屯燈火遙連十萬村版牘層巒秦
作塞風雲大陸薊爲門東來直接山河固西望還
依官闕尊百二城邊過質子千秋同戴漢家恩
冰霜誰識抱關情三輔河流一洗兵樓閣晴懸新
日月柔麻色起舊屯營龍迴地軸開戎幕水合風
門遠成城應是太平還有象金湯萬世奉神京

娶孺人楊氏

重建三屯營鎮府成勒石記之題名於碑以永其傳
國初鎮薊爲侯伯所開府云自天順移鎮而有三
屯營署其後多都督或參以內臣迨嘉靖來乃權
一而勢重府尙卑隘而偏介於城幕客中無所居
據史則便於私室故機密多泄漏而緣簿書爲奸
久矣凡歷三十八人余乃以總理稱自隆慶三年
至將展之而未贍也居六年始闢城展前門於其
址外達通衢中立桓表兩端爲次門屏以蕭牆施
以周檻而左右桓表遠跨衢之東西其間容千馬

可方軌而四出入次門爲軍候廂房及鉦鼓亭臺
乃周道以上其等級尊矣門有伉而廡有奕左中
甄右偏裨列較候入其廬維旅神祠賓館夾於其
內大儀門而甬有奇石以對於臺號曰常對君堂
列五楹衡高臺廣臺下可容數千卒余涖以作之
故名率忠後爲中雷當皇爲止止堂蓋取之艮而
止忠之義在是矣後爲牙舍護以層樓堂左有五
六區如肆聚掾史輩居之簿書乃聚於公堂牙舍
之右爲圖書府其前齋有亭池或節勞佚於斯齋
右爲習射之區有層軒序賓而揖讓焉其右爲牧

圍繚府維垣疏以周道言言如也踧踖如也而北
衡垣如城堤與家以坎位大川宜蔽以高垣適余
詰創全鎮塞垣其襄工有四等恐將士未喻於茲
試之以爲邊式俾未臨塞者登茲而虜亦在目中
矣豈不益壯鉅麗而稱雄於列鎮乎然費不煩公
帑乃余節浮而舉之故告成功而力不訕落成之
旦用詰軍正余聞大司馬掌武備象猛獸以爪牙
爲衛軍門旗帳咸以牙名之出師則稱建牙號令
必至其下故幕曰府而部曰署牙門所繇名其起
於武也明矣自謗而爲衙文署因通稱之而鮮有

弗繕以其費有所出武署之毀過半雖京衛且然
則軍容不張而陵替可慨矣夫稱大將軍而少負
大志者營家且廣前路以容大戟旆旗況於公署
爲全鎮所瞻視尤貢夷往來稽顙之地而不之闢
與余弱冠從戎未嘗敢以家爲但於營伍所至治
之急於垣屋乃鎮府則新三軍耳目於茲也敢不
以急乎古人雖一日必葺去之日如始至其用心
若茲非爲後事者地邪余始至則陋而今煥然改
觀焉實服其勞亦令無以加敢詔來者第葺之而
已矣焉知來者視今何如哉

經畫松棚險要

三岔口黑谷巷燕子崖等地俱衝要之區家嚴乃親歷相視或築馬墻或設柞木或置捨城制悉詳備無遺算矣

秋七月以長昂款塞功得旨紀錄賞銀幣

是年春長昂逼禿入犯而禿爲我所擒長昂因禿被擒隨卽移住會州懼我防邊兵馬不敢近邊延至暮春朔日同伯彥主喇董狐狸等率其酋長及部夷二百四十餘人款塞請死狐狸獨諭甲仗素衣叩頭願赦長禿朔有三日家嚴督同副總兵史

宸親臨喜峰關面撫諸夷各相率羅拜隨進番文一紙送還原捉尖哨許勝等七名綁獻生事夷人二名哈耳帖也赤漢人一名兀可赤并馬七匹乞贍節次擅殺官軍之罪合稱歲時用度全望撫賞初四日點入關內分別撫賞虜酋感愧詣刃浪壞對天會盟誓子子孫孫懷德內附世世勿犯太師城也是秋朝遣巡按賀公一桂至邊查勘遂會同巡撫王公一鶚疏云三衛屬夷數年以來未有跳梁放恣若長昂之甚者仰仗天威一鼓擒執羣酋落膽臣等便宜宣諭果能悔禍回心即關伏罪情

辭哀憇隨將長兎釋放出關其一切撫賞逐起更
定羣夷悅服是皆戚某才優經濟謀兼文武嚴紀
律以肅士卒遂奮敢勇之氣運機籌以策將領屢
成追剿之功醜虜旣叛而復歸足徵制馭之長策
部伍轉弱而爲強尤見節練之成效部覆戚某嚴
紀律以鼓將士之氣運機籌以成追剿之功所當
優叙得旨紀錄賞銀二十兩綺絲二表裏

題請增中路協守疏

略云薊鎮所控地方西自石塘東自山海二千餘
里分區列守各有專責先年因練兵不便置二協

分練總兵居中調度數年以來頗收節制之効但
中間山川阻隔道路迂遠居常摘練不便遇警馳
援難及況薊州一道所屬營路分統於東西兩協
之間兵馬錢穀諸務錯雜事體不一滯碍難行合
無改添中路協守詢謀咨眾深有裨益況以見官
改協守不必添官一便也以見兵隸中協不必增
兵二便也以供億不必別派三便也以操練就近
不必遠出四便也以卒然之警臨之可朝發而夕
成功五便也三協各守信地代出大將督兵六便
也三道會同三協事無掣肘七便也一轉移間兵

政邊紀煥然改觀提綱挈領諸務立就此蓋節制
通臂指便考成之第一上計也但事關興革相應
題請伏乞勅下部議如果有益邊方將三屯右營
加銜副總兵羅端改充中路協守分理馬松喜大
四路練兵事務就將見管右營標兵照舊統領原
配河南車營一枝亦聽合營并總兵標下左營與
保河輔重二營悉聽節制西路協守副總兵張臣
分理石古曹牆四路練兵事務將石匣車營一枝
與密雲左營叅將陶世臣統領馬兵一枝聽張臣
統領合營俱於石匣駐扎仍有密雲右營一枝振

武營一枝輜重奇兵二營與總督標兵亦俱聽張
臣節制東路協守副總兵史宸分理燕臺石山四
路練兵事務仍駐建昌兼管遵化標兵一應客兵
分布各協地方者一體遵聽節制無事操練兵馬
修理邊垣營繕器械撫處屬夷遇警悉聽臣調度
仍乞改撰勅書三道并請給三協關防并各官欽
遵行事庶總練分練各有責成薊東薊西免於顧
此失彼矣

九月同協守史君宸太平守谷君承功三屯輜重李
君逢時喜峰守陳君忠再登太平南山有作

把酒重登塞上臺。匡時君等亦雄哉。雲連雉堞秋
逾靜。月照機絲夜可哀。何日信眉容我去。百年開
口幾人來。應爲國步推豪傑。誓勤燕然片石岡。

萬**曆**四年丙子家嚴四十九歲

春正月作留別亭記

隆慶六年載三屯西郊繕完代舍余以留別名其亭
使人復以余茲亭亦備郊勞獨名之以別謂何且
人臣奉命去孰得而留諸余曰留別之義大矣哉
夫人情之恒有初而鮮終必觀於別其情乃見若
所留之何如則人不能與矣蓋自封建之世祿爵

不出境唯使於四方者互相引重主之饋以盤飧客之觀以玉馬斯留別所繇起也春秋而下責任顓歷年久民不忍則猶得而留之亦有以官爲民或於其地居焉子孫以之百世祀而民之奉嘗唯謹何則留者善也召伯所芟安在甘棠之誦不衰畏壘其壤雖殊尸祝之體無斁鄙人何知享其利者爲有德耳近世溺其職焉居公府如傳舍視部民如塗人故其貶則譏醜之罷則姍笑之稍遷而出祖亦踵故事而已唯當路者或陽爲遮道狀且置祠勒石以爲壽寔已目攝其去而騰以睚眦之

詞矣卒之磨滅而名不稱甚則行或泥之又伺之
於其所往乃先歸橐中裝惴惴然微服戒塗未嘗
敢與人別居亡何部索者至雖沒齒而且追案之
貽仇怨於子孫暴名狀於史冊所留不善一至於
此嗟夫茲亭非其得失之林與余食封東牟祖先
所留俱在比授闡鉞凡東海波及皆父母之邦幸
賴先職之澤在人免於辜斃而別自越抵閩會海
夷猖獗從事踰紀當危急之秋稍有微勞人不忍
棄幸藉朝廷之寵靈赴召免於辜斃而別乃待辜
於茲業已五年追念弱冠卽在西北軍事距今二

十餘稔宛然此歲齒則駿駿長矣於事事謂何倘
幸生別或可卜乎所留一旦冒鋒鏑則非所敢知
不將留之子孫其或爲余卜之耶雖然大人者天
地爲蘧廬古今爲旦暮留與別曷與焉若留以甘
棠則如伐木者何留以尸祝則如削迹者何雖以
夫子之盛不能卜之當年猥余何人敢卜其世第
引可爲勸戒者庶得見君子擇採焉

作近喜亭記

鎮城北三里爲亭院一所蓋館穀有事於邊者予
因名之曰近喜客曰自古凡有亭障以延別者皆

多感思悲愴之情如陽關等調是也未聞以喜名者母以向喜峰口關爲近耳予曰客知其一而已竊嘗聞之志士之志易首邱而甘馬革況吾儕有事於此行者或以世服叨王恩或以科名躋鵠行或以一勞一藝食祿民上斯得登障塞覽華夷縱大觀展壯猷冠升者尤得以旗鼓當關汗血報主成名立業大而載旂常小則膺寵榮血食尸祝不亦喜乎庶無愧于茲亭也否則糜祿奉身好佚畏事無志者流聞喜峰之關則悚然而懼登喜峰之途則愕然而難履近喜之亭則將潸然而思闌帷

索然而膽碎矣何近喜之有耶子爲此名固不敢爲君子助將以與懦夫共勗也

二月

總督楊公兆爲秋防事竣薦揚任久勞深大將以重邊防事內稱總理戚某精忠許國兼孝承前負文武之壯猷二千里邊垣皆其躬親跋涉居然成金湯之險具華夷之夙望十數萬甲兵悉自胸中運用允矣著虎豹之雄語治兵得南北之人心而訓練足動乎鬼神殆出於分數刑名之外語禦虜察東西之偵諜而操縱必嚴乎賞罰悉得乎幽靜

正治之原一心報主如精金烈火愈煉愈鋼理可屈而勢不可屈百勝不伐猶千將莫邪益割益利義可動而利不可動誠宗社不貳之臣安危可恃之將且功茂望隆年勞最久所宜重其委任假之事權仍乞特賜殊寵加級賜服以彰優異者也部覆臧某心秉忠貞才資文武練兵設險經略動出萬全任怨任勞茂績已幾八載合紀錄附簿俟再歷一年加恩疏上上從之

三月改建松棚路邊牆

松棚路東西常谷境外長城嶺龍井關外梓子巷

達子溝等處咸親至其地相視呈改邊牆二百八十餘丈建臺十六座昔日二千里之邊可以長守又建燕河路雞林山邊牆復親詣地面先已建臺八座至是工完復建牆以爲防

閱視都御史鄧公光先題爲虜衆內附邊患稍甯及時大修邊政永保治安事稱總理戚某名高閩閻智熟邊謀負攘外之長才切策勲之盡念飭千矛甲胄合營路而色色鮮明儲火藥礮鎗徹東西而臺臺完利土著車騎之俱習堠隍夷險之相宜既竭心思善能布置且薊門艱重非他鎮比倫八

事効有勤勞三年獲享安堵部覆戚某威名久著
智勇兼資簡練十餘萬之戎兵足爲當時之大將
控扼二千里之險要無愧萬里之長城事每爲之
躬親心具見其獨苦疏上欽賞銀三十兩綺絲二
表裏

夏五月作薊門湯泉記

遷化古屬范陽鎮迤北一舍而遙山麓有湯泉鑿
爲方池久矣旁寺乃因茲而賜名福泉焉余弱冠
時部戍過之環堵所刻如林迨總鎮之初再至求
其片石不得或以授梓無有也蓋竊傷之而徘徊

不能去且泉淤過半亭館多簡陋何以清游目而壯山川之奇勝哉隆慶辛未春命越卒修爲休沐地皆踴躍用命因各賄射爲觴亭并治旁之石洞督學御史閩中陳公記之矣然地當邊垣土中而前原之廣可容數十萬眾就以便休沐也壬申冬大閱少司馬新安汪公視師制府而下葺席以處促膝以觴不足以示威重萬曆甲戌有秋士豫乃闢亭館以待後之視師者至丙子仲夏告成嚮者之治此也夏日泉冽畚鏟靡施將濬而胥難之矣乃命工下稻田鑿渠百餘武以遡其趾折甃二尺

深二丈三尺而出泥丈餘有萬戶印一白金五兩
簪珥之屬黃金一銅三十五斤錢六石十斗鏡一
百五十七枚皆鑄以佐渠費泥盡粼粼其泉溢出
仍甃之而實其底塞以方寸之石於渠道樹撻以
便重濬通竇則母勞折甃爲也加高三尺出地爲
防可以俛飲而立掬之矣其周七丈衡二丈二尺
防面爲石梁可以浮大白竇其南北中衡而對出
北出承以文石瀝瀝如雨建瓴下而窒其南則爲
水簾臨池有亭如八卦及虛霧數九顏曰九新有
題語焉當雷爲坎前竇承泉左右竇以分之北得

寒泉爲池如半月有橋上爲勅建觀音殿施檻垣
如雉堞狀南竇出石龍口如沫北窓則如瀑布狀
流而西釀爲石渠經序室左轉而環石盤以觴滿
座勾折復入於室匏樽藏於室人因泉應機而緩
急之不待人又隨流而給矣觴亭下方步櫺三面
以列石碣皆吟詠也稍次第之以俟續而梓焉自
殿抵欄周以列垣循室南出而爲接水池洗馬池
其與眾池女清池各列之室以違別也自坎左竇
者過近泉館又過聽泉館二館並列寢室之前皆
因寒泉爲池有橋循垣而西爲福泉公館泉因勅

賜曰福故以沐恩名堂寢室曰蒸雲其前左爲無
垢室坎以文石六方爲浴盤因地稍高自石渠右
角分竚伏流而逆出之凡沸泉有氣如雲是堂最
麗亦如之矣西南爲寺於其法堂加南榮及堂左
右爲館凡館浴室廡舍庖厨咸具又西南隅有銀
杏樹鼎立皆十四五圍美蔭侯洵乃爲四時館其
戶內向環樹居一闔三則如一居四則各爲邸矣
樹下當中置石案八足內虛爲竚者二其相去丈
餘泉自坎右竚過寺之三館伏而上左足循案以
腹入於右足若不知其所去也凡池竚高承清而

卑出濁九新之坎三其出入皆溫館之浴室濁一而清二者一寒一溫也近泉或和以寒稍遠即可浴故至稻田而苗以長矣僧舍四五區雜於諸館間山之西椒有浮屠以爲表自西徂東爲長垣以接古臺碑官氏言遼蕭后粧樓址也建亭其顚仰若麗譙環以嘉樹若出半空里許而爲塞垣樓櫓刁斗隱若雲際南阜萬古巒然崔嵬從寺西步北折如砥至巔而延袤百武左右石離立夾道而爲門循蹊以西有石如山如獅如鼓相屬而徑東礀片石跨之中裂爲試劍橋度之有普陀巖經右龜

稍北而峻爲出岫巖爲仙掌峰循脊下蹬不數武有石獨立猶將軍振纓北瞰幕南而請纓者勃然右轉石洞口僅三尺偃僂而入中竅如舫爲萬石最奇處名之曰仙舟洞云余按溫源多硫磺襲人爲山多石曰礬而其所出獨清驪山華清是也邇之誌者又以南中安甯爲最而評不及茲茲山不其然乎故其感沸爲珠瑩若琉璃投錢到底可數中有雕鏤其文宛然飲如醍醐釀之芳烈尤甚寔爲醴泉神漢而清尤爲獨全何也華清自大真召祿山於范陽以獻玉石雕鏤爲勝遂動鼙鼓而致

殃茲當范陽之陦幸不爲之汚雖尋劄於契丹存
有蕭后遺迹然厯金元未著豈非地靈之所秘者
與至我大明乃歸中國章帝征虜凱旋駐蹕武宗
雖遊獵未嘗與驪山之役而賢嬪有咏爲茲泉所
藉重則聖朝之德其過前代遠矣余幸士有暇力
繕館以備冬狩萬軍若挾纊免於駁瘃之苦馬患
霜雪而疽洗之可以騰驤將帥幸就以休沐非荷
太平有此哉

附錄湯泉二詩

一 武帝恩波在眼中龍飛氣色尙龍蔥清時不減爲

霖意滄海遙分浴日功碧水浮觴搖夜月玉虹拖
練動秋風天私三輔餘青沫一脉湯湯萬古同幾
度臨池愧病身綸巾猶自滯風塵三秋經略秦封
壯千載澄清漢澤新柢樹晴光分障塞中天爽氣
動星辰左賢已屬穹廬部願理滄溟舊釣繙

又賦仙舟洞云天地無心壑似舟巖扉寂歷自春
秋一時偶見停橈在千載能令載酒遊洞口將軍
應化石薦門仙客尙存邱醉來欲掣神鼈去不擲
任公舊釣龜

秋七月修太平寨城建密雲新城修潘家口暨洪山

口關城

冬十二月除夕署中有感而賦

五十春光隔曙暉風塵未晤夢中非半生俯仰天
應識三輔蹉跎臘又歸杯酒忽驚寒漏盡隴雲故
與片心違共君莫話當年事赤膽猶殷白髮稀

萬林五年丁丑家嚴五十歲

春二月上養病疏

竊照臣生由世蒙自受娠之始卽爲報國之身由
列校而至鎮將咸叨殊寵雖蠭粉不足以補報萬
一也矧今年僅五十未宜遽爲骸骨之謀責在當

關曷敢自蹈宦成之咎以上干斧鉞乎但事變之
來庸有出於常數之外者不敢不據實哀鳴於君
父之前也臣自一十七歲襲父職山東登州衛指
揮僉事庚戌充北京九門旗牌尋領山東民兵陞
備倭都司轉浙江都司僉書陞甯紹叅將再調台
金嚴陞福建副總兵尋加鎮守隆慶元年奉召取
回補京營副將已俾總理薊昌三鎮練兵因上邊
事復兼鎮守緣臣北產早膺南用自丁邇乙凡一
十三年時當倭寇搶攘奔馳於崩潰沮洳之中雖
中傷頗深病形漸著節該撫按撥醫調治緣氣血

少壯尙能受藥寵勉支持迨移於薊屬經虜燹之
餘無可憑藉臣固不勝其任而新命甫臨弗遑安
處今又十年往矣柰五尺摧曠漫當一方譬猶駕
駘而櫻銜勒阪壑在前鞭策繼後不能不極其力
然力有限而負重無窮則亦不歷軌而憊是以舊
病近痼彌增漸篤有時或氣體皆暈或性火暴施
或嫚失威儀或誤覈案牘淚凝毫睫莫辨旌旆迨
若機務舛宜將士失馭誠非所以率行間而聞塞
外也甚至沉鬱枕席屢請督撫代爲奏聞未允節
有成案夫立天下之事者志而運志者氣也臣弱

冠爲役晝夜與俱歲久智昏塗長日暮重之疾疚
攻擊臣志似未衰而氣實垂竭且久昧進退弗察
倚伏必待償事後已臣奚足惜謂邊事何故臣甯
妄言以甘顯罰不忍以二千里重地爲狗馬延喘
息所耳又臣在外二十二年親喪尙滯淺土累勤
恩寵無從展告此則烏鳥之私未敢僭瀆寔聽者
夫積禡緘默而崇朝申怨何也伏惟宵旰之懷莫
先邊圉靖共之職莫急安矛而庚戌以後壬申之
前南北多警曷敢言私恭逢皇上寶_印崇熙輔弼
有道西虜輸誠東夷俘馘止戈元慶千載一時誠

周易存詒 卷一
狗馬順序乞身之頃況薊昌臺省諸臣創作維新
戰守漸備而南北一二鎮守偏裨亦稱入彀如見
任薊鎮中路協守史宸西路協守張臣見任福建
總兵胡守仁浙江總兵李超足堪代臣之任伏乞
皇上軫念重地俯鑒愚衷將臣特賜擯斥或暫置
閑散以便調理臣幸藥石收効他日惟所驅使倘
不復甦期爲厲鬼驅寇以報於冥冥也

附錄病中三絕 燕越烽烟二十春一朝病築未
間身忽來窗外黃梅雨又送新愁到耳頻邊愁
隱隱上顛毛病那堪轉側勞惟有中庭一片月

漫移花影護征袍 風塵已老塞門臣欲向君王

乞此身一夜零霜侵短鬢明朝不是鏡中人

三月修喜峰口關城建水口石橋修李家谷關暨建
昌營城設守邊更漏

秋八月

總督楊公爲秋防舉勸將領疏稱總理戚某文武
兼才華夷夙望躬考課以竣十二路之城堞百雉
皆懸崖之險運奇思以定二千里之邊式三陞賴
磬石之猷用南兵爲北兵倡孤忠猶如砥柱而將
略出於一心惟願一當以見志俘狡虜爲諸虜創

大義伸於窮荒而操縱裁乎萬變凝然萬折而不
回十載不聞烽燧皆其曲突徙薪之績九秋咸收
組練不殊犧庭掃穴之勲允矣古今名將蔚然宗
社長城軍績已幾一紀年勞獨冠諸邊相應查照
三年題奉欽依俟四年防畢併加殊恩世庶者也
部覆戚某勞深一紀功實足多且自元年陞賞至
今五年所當論功之日而上年方經閹視敘薦加
恩似難重覆疏上而恩廢不下矣

冬十三月

總督楊公爲秋防事竣薦揚年久勞深大將疏稱

總理戚某秉精白以恢尊主庇民之鴻圖展忠赤
以樹攘夷安夏之駿烈兼文武爲尹吉甫仗忠信
如郭子儀身係重輕功昭社稷誠不世出之才宜
特加渥恩以酬其勞者也部覆戚某謀斷兼資勞
瘁有年簡練戎兵勲猷並茂資望已深隆寵優加
似亦非濫但四年冬閱視諭功已膺賞賚今甫年
餘於原議三年之例未合難復議請疏上而寵錫
不加矣

萬
己未年戊寅家嚴五十一歲

春二月建喜峰關城樓

秋七月

滾兔敗竊部東討孫不賴因亡抵青把都是時那
莫卜亦被困欲亡去滾兔乃大會把都兔引萬餘
騎追至五兔牛時偵得其狀計五兔牛去馬蘭黃
崖止百里計西南可入馬蘭太安家嚴乃督帥鎮
兵馳赴馬蘭出寬佃谷以副將白福出松棚董一
元出牆子嶺衆將張玠出將軍石李如樞出曹家
塞備甚嚴虜不得入總督梁公夢龍爲薦鎮官兵
預備邊境輯甯疏題部覆欽賞銀三十兩綺絲二

表裏

總督梁酌議修守機宜疏云薊昌邊山西起居庸東抵山海二千里間重山峻嶺連絡不斷界限華夷足稱地險與各鎮不同而沿山地方昌平密雲遵化三屯等處或二三十里或五六十里卽抵邊山今屬夷爲虜用而不爲吾用若夷虜構謀晨興疾馳未午便及腹裏豈止剽掠郡邑如咫尺陵京何是兩鎮之利害亦與各鎮不同也故自來凡經略薊昌者多主於守而守之所最先者一爲修臺一爲修牆查得先年有牆無臺賊每犯皆于牆外登佔高阜俯而窺牆萬矢齊發官軍無所遮蔽既

不能仰支賊勢又不能俯制賊攻往往失守至隆慶初年始有建臺之議臺皆據高騎牆與牆外高阜相望並峙火器易以及賊賊不能攻此總督譚綸巡撫劉應節總理戚某之策也當時牆猶夫舊也至我皇上御極四年始有折舊修新之議新牆高廣皆以三合土築心表裡磚包梁口純用灰槧與邊腹磚城比堅並久其應增臺者卽增之應制剷削偏坡者卽剷削之此總督楊兆巡撫王一鶚總理戚某總兵楊四畏之策也臺牆皆在衝要山口及山梁之處與各鎮臺牆在大漠荒磧易于傾

圮沙埋者大不相同如能通完二千里間屹然長
城真得設險守圃之義其利有四驕志屬夷不能
窺向竊發所謂不戰而屈人之兵卽北虜大舉環
攻爲難援兵可待一也牆以內尺地皆可耕牧漸
變蕭條而爲樂土二也可以寄意練兵養馬久之
當減調三也陵寢不警京師常尊常安四也但薊
鎮十二路古北口爲要各路次之昌平三路黃花
鎮爲要各路次之擬于三年內將古北口黃花兩
鎮修牆修臺剗坡及各路增臺凡極衝大壞緊要
工程先行修完足堪保障將完過工程用過銀兩

造冊奏繳停工主客官兵通歇二年再摘兩鎮應
修工程題請興修及照兩鎮自國初大將軍徐達
經略以來二百餘年方有今日之大工當時席百
戰餘威夷虜遠遁今軍威視當時何如而夷虜日
窺伺于肘腋之間且修且備其難何如也當時經
略只在古北口喜峰居庸山海總會之區今則二
千里間處處設險工力之鉅殆漢唐以來未有者
其難何如也當時此地雖係藩封猶邊徼也今建
都在焉陵寢在焉一隙可入便是疎虞其難又何
如也故兩鎮大工完後其功應與宣大貢市遼東

撻伐均從優敘庶服人心所據修工効勞文武各官一年一敘固不可終于不敘亦不可合無待三年工完之後容臣等將十年以來叡議修工勞蹟顯著及悞事各官分別具題候欽遣大臣或特差風力科道前來按視明寔如堪保障查照原覆將各官酌議題請陞廳至如總理戚某鎮守十年備極勞瘁叡議修工獨任其事更乞天恩優加陞廳用酬其功以後每三年工完一次敘諭一次其功罪大小臨時酌量議擬庶幾賞罰昭明而薦昌之事定矣

冬十月

漢庄舊有軍壘存者十餘家城亦僅留敗堵頃議罷保河民兵募如其數以居之充三屯戰車營地距松棚之潘家口龍井谷二十里向稱空虛有此戍一呼百備緩急矣稍東爲灤陽營舊亦有軍壘漸廢距喜峰適與松漢埒鎮城尙乏車兵一枝它日倘從募剏成鼎足之勢庶幾爲完策也冬十月以閻工至李遊擊除地爲館館前有古松一株松杪尙擎殘雪因以挹秀名館遂燕勞諸偏裨感而賦之云孤松宛似蒼虬伏黛色參差別館傍喜見

金湯開漢土還將春鋤卜灤陽羣峰北擁玉廷遠
一水東涵帝澤長潦倒卻忘身似寄十年相對滯
冰霜

萬曆七年己卯家嚴五十二歲

春二月建潮河川石橋

古北路潮河川水勢深廣而洶湧澎湃河梁不得
立虜數從河灘中入犯蓋要地也且北方不知建
鉅橋之術故二百年來議未決乃特徵閩匠興建
平橋七洞延二十八丈河兩岸之臺牆與橋相接
而橋上立臺藉之以爲守禦始亦落落難合後竟

落成橋先詩以誌喜云鞭石誰憐萬里遙忽看蛟
石湧峩峩半空樓閣天驕遁萬里虹霓海若朝草
合關前無牧馬月明溪畔有鳴榔當平曾識君王
方塞北今傳第一橋

三月建萬峰關外重樓

喜烽爲撫賞總關且係屬夷貢道乃先建內樓一
座今復建外關樓二樓相對巍然形勝寔爲華夷
之具瞻也

議修燕河營城

曹家塞古北口捷

是年春大嬖只偕小阿卜戶炒蠻復並起寇古北
口及曹家寨夷人才兒志火泥赤來告未幾果襲
柏嶺安邊出擦肚嶺而以邊備戒嚴輒引去我師
出擊其歸路至葦子谷遇炒蠻躬率五百騎轉擊
破之生擒十三夷斬首五級駝馬十八匹器仗百
五十餘賊皆騰山御走我師乘勝追逐六十餘里
山林險阻始罷兵還總督梁公疏其功部覆欽賞
銀三十兩綺絲二表裏仍紀錄在簿俟再有功一
併優敘

夏四月丁酉子報國生

秋七月上大兵援遼議疏

議照國家建都于燕比時屬夷爲我藩籬守在舊
大圍之地去塞猶數百里門庭內固自夫大圍界
虜始以薊鎮內邊遂爲外邊肘腋始重一牆之外
卽爲虜巢而使心近于虜又自染顏與東西虜爲
姻聯遂爲之勾引前驅大舉入寇薊門誠爲京師
之肘腋天下之腹心頭目矣右有宣大左有遼東
俱爲隣封四肢手足也今以各邊應援薊鎮固手
足之捍頭目而手足有恙亦頭目痛痒所關全體
之繫則京師之鞏固雖重在薊鎮而遼東若在關

外均爲國家人民土地也遼歲被大祲欲守則險
險未完欲戰而兵分力訕此誠危急存亡之秋乃
猶欲視遼爲遠地謂不必他鎮之力以事一隅且
遼東近日朝廷任將得人戰守得策若爲可與目
前者不思手足多恙不急爲療治必至損壞手足
既壞亦尋至肩背矣是可不急圖而加之意乎又
照薊鎮一潰可朝發而夕驚都城是頭目腹心立
受重病欲與虜歲時較未定之勝負必非完計宜
大久款無用武之地幸有遼東虜罪可間隙急可
恤練兵可試欲爲薊遼百年之安不當憚國家一

歲之力而姑置遼左于度外也謹以援遼事宜條列上請伏乞勅下該部覆議施行疆場不勝幸甚一籌寔濟夫虜之入遼零騎之出沒迅速大舉之地理遙遠薊兵出近地以勦零則勢必不可及出偏師以禦眾則勢必不相當皆無寔濟若得虜勢苗頭已向遼則彼近我遠乃師至而虜退故宜用重兵遠出以援大舉偵虜結聚是的卽主將親率五萬之師出關徐行以至簡遼廣甯錦義之間收兵入城養銳待戰與遼兵各分一面務大挫虜鋒使一蹶而不敢復入則不惟東虜喪膽西虜亦當

奪氣且收功一歲以後不必再援以省勞費一利
也遼無邊患即可城塞修堡開荒積儲以固根本
二利也大虜既削不獨長威而不犯遼尤不敢犯
薊屬吏自當懾服以固藩籬此後薊鎮亦可漸省
衛兵三利也手足既強腹心自固爲京師建久安
之勢成長治之業四利也然則大援遠援一而不
再較之歲時出援徒勞無益者功相倍蓰矣一籌
行餉薊師出關應因餉于遼乃遼之歲額僅足以
供本鎮之用若出師援遼而不預計芻糧欲資遼
于歲額之外遼將先憚薊師之費事未舉而議當

先分矣薊師五萬之內除一半素有行糧自行齎
裹外其一半應增給者卽于薊鎮歲省積剩之內
動支先行解發遼鎮貿備如數外多支另爲解補
庶遼鎮無因糧之費薊鎮不必于歲額之加國計
無虧而人情咸便矣一籌備薦夫遼薦內雖相隔
外形相通曩之急在于薦則以遼援薦今急在于
遼則以薦援遼此事理之甚明而易曉者願執論
未定則以薦爲陵京根本之地關係更重況虜眾
結衆常在薦遼相半之間東可犯遼南可犯薦故
遼巡猶豫而莫知所從耳乃東虜與西虜素不相

容大甯諸夷多服屬於西虜昔之大舉犯薊者皆
西虜而東虜不敢合兵則懼爲西虜所乘也惟隆
慶元年土蠻獨犯灤東則以西虜遠犯石州乘隙
而始入耳今西虜歸款則東虜且不敢犯薊之邊
險年來修築頗固知東虜之未敢憑陵而入以踏
捧挹崖之覆轍也然料計當審而防禦貴周若大
衆出關薊將空國而行矣所揀存者強弱相贅虜
中奸宄乘機牽制戒備尤當不厭詳慎合無另調
客兵以固根本查得眞保撫鎮標下有兵六枝共
一萬五千每歲入衛者春秋兩防止各一枝尙有

萬人在鎮紫荆倒馬各關口有兵四枝共一萬六
千則向非入衛者今西虜歸款宣大爲緩真保尤
其緩者以真保定二萬五千之內量調一萬五千
再于宣府調一萬大同調五千以入備薊鎮聽其
先行整束俟虜有結聚聲息方調集薊鎮以昌平
總兵移駐密雲防西協四路而兼顧陵寢真保定
一萬五千防中協四路宣大一萬五千防東協四
路以周意外之圖真保宣府路不甚遠大同在昔
年原有應調入衛兵馬一枝止多一枝且調集止
于一月俟薊兵入關即可散歸各鎮行糧亦可取

給于積剩不至勞師費餉

九月

工科給事中王公致祥閱視還疏稱總理戚某將
略沉潛壯懷激烈詰兵戎修戰具軍中之號令一
新整火器飭臺牆塞下之威名丕振設備當爲第
一才華亦自無雙部覆總理戚某矢心許國雅意
安邊疏上詔加太子太保賞銀三十兩綺絲二表
裏

冬十月援遼捷

土蠻兒伯彥蘇把亥黑石炭銀燈等率眾五萬餘

騎從撥刺免行往河西南時兀曾班蘇喇哈亦聚
虜欲掠甯遠前屯因奪山海謀者馳滾免營得土
蠻近狀乃與伯彥等五萬餘騎欲從刺母林入遼
左甯遠間矣夷婦孫則又言土蠻到土列根撥刺
免行欲入黃土嶺一片石東到山海中前所旦日
竟從放母林止壁灤河敖母林去甯前可二日去
薊之東西可五日邊吏皆陳灤河以備之遼左請
師往援詔以家嚴往乃率師馳中前所會遼地震
雨雹如注亡何虜自范兒營入已自錦川入以五
萬餘騎布十里許于是馳兵轉戰于狗兒河復大

戰于石河墩斬首十三級獲馬十五匹虜遁支山莊巢列陣二十餘里間得出塞我師追奔數百里勒石燕山而還總督梁公同兩鎮撫按具題開稱總理戚某堵回大虜卓有奇功部覆戚某練兵素有節制臨敵而奮勇爭先號令迅于風霆恤隣而驅馳無後利衷併力共濟艱難及照審前虜患歲無虛日而聲勢重大獨今次爲甚勦師援遼成議有年而出援之舉于今乃見且援兵一出虜即遁歸而拒堵之功不拘斬獲各官勞績既彰賞賚宜渥疏上得旨兩鎮文武協守御虜功同斬馘各賞

賚有差戚某李成梁各賞大紅蟒衣一襲銀三十
兩戚某還加少保餘官照舊是年建車前營駐漢
兒庄募土著三千人建營房千間築土城一座

戚少保年譜者編卷之十一終